

kaverno Z ; ili faris la surbrustafon ~obla Z. 3 ~foja : ~obla frapo Z. ~oniganto Δ. Rekto, kiu dividas angulon en ~ egalajn angulojn.

dualo (G). Speciala nombro, kiu en kelkaj lingvoj (greka, hebrea) estas uzata kiam oni parolas pri du personoj aŭ du aferoj. Kp SINGULARO, PLURALO.

Dualismo. 1 Religia aŭ filozofia sistemo, akceptanta du principojn por klarigi la ekziston de l'universo, kiuj sin kontraŭbatalas eterne k estas nepre neakordigeblaj : la maniĥeismo estas religia ~o ; ~o de la materio k de la spirito ; (f) la homo ĉiam portas en si ~on de tendencoj. Vd MONISMO. 2 Politika sistemo, laŭ kiu du sendependaj ŝtatoj havas nur unu regnestron.

* **Dubl** (x). Ne esti certa pri io, ne scii, ĉu ĝi estas vera aŭ ne : ~i ion Z, pri io Z ; ~i la utilecon de io Z ; mi ~as, ĉu li akceptos ; mi forte ~as, ĉu iu serioze konsilus enkonduki tian grandan rompadon en nian aferon Z ; mi ~as, ĉu troviĝos iu, kiu konsilus solvi la aferon alie Z ; neniu ~os, ke konstanta regulo estas mil fojojn pli bona Z ; ni ne povis ~i, ke oni devus sen ia ŝanceliĝo akcepti Z ; ĉu vi ne ~as pri via sukceso ? kiu ~as, sin delenu ! Kp SIN DEMANDI, ŜANCELIĜI, HEZITI, SKRUPULO. ~igi. 1 Igi iun ~anta. 2 Igi ion necerta : ~igi la venkon. ~o. Intelektala stato de tiu, kiu ~as : senti ~on pri io ; esti en ~o pri Z ; esti atakita, kaptita de ~o ; tio forigas ĉiujn ~ojn Z (Vd RISKO). ~a, (pri) ~ebla. Pri kio oni povas ~i : ~a formo, rezultato ; la respondo ne povas esti ~a ; tre ~a plibonaĵo Z ; en ĉiuj ~aj okazoj, oni preferu la nominativon Z ; la deziro al la paco estas ne~ebla realo (Kp NECERTA. Vd VIANDO, SELAKTO). ~inda. Pri kiu oni ne povas ne ~i : ~inda aserto, fideleco, venko. **Ekster~a Z, Sen~a Z**. Pri kiu oni ne povas ~i : **garantio de sen~a sukceso Z. Sen~e**. Tute certe : sen~e vi pravas.

Duelo. Antaŭkonsentita batalo inter du personoj pro privata malpaco : *inviti iun al ~o* ; ~atestantoj. ~i (ntr). Batali ~e : ~antoj.

Dueto. Muzika komponaĵo por du voĉoj aŭ instrumentoj.

* **Duko**. Nobelo, kies titolo estas meza inter tiu de markizo k tiu de princo.

Arki~o, ĉef~o. Titolo de la membroj de la iamaj imperiestraj familioj de Aŭstrujo k Rusujo.

Dukato. Malnova ora monero.

* **Dum**. I^e Prep. montranta la tempon, en kies daŭro io okazas : *fleksu arbon ~ ĝia juneco Z ; apetito venas ~ la manĝado Z ; ~ la parolado li dormis*. Kp ĈE 2, EN 3.

II^e Konj. montranta : 1 La tempon, kiam io okazas (= en la tempo, kiam) : *forĝu feron, ~ ĝi estas varmega Z ; ~ vi estos feliĉaj, vi havos multajn amikojn ; ~ vi paroladis li dormis*. RIM. Kelkaj uzas en tiu senco **dum kiam**, kio estas senutila nekonsilinda taŭtologio. 2 Agon aŭ okazon kontraŭan al tiu, kiun oni priparolas (= kontraste kun tio, ke) : *vi estas juna ~ mi estas maljuna ; ~ Espo daŭre vivas, Volapük jam longe estas mortinta Z ; ~ la naciaj lingvoj estas rigidaj, esp-o kontraŭe estas senfine fleksibla*. RIM. Kelkaj uzas en tiu senco **dum ke**, kio estas iom duba esprimo. Kp ĈE 4, KONTRAŬE, SED.

III^e Prefikse uzata kun la senco de la prep. : ~viva membro, rento ; ~nokta irado.

IV^e Vortero memistare uzata : ~a Z. 1 Samtempa. 2 Provizora, intertempa, ĝisa. ~e (adv). 1 Intertempe, ~ tiu tempo : *ili sin preligis, ni ~e babilis ; ~e oni alvenis al la manĝejo Z*. 2 Provizore, ĝise : *ni ~e lasu flanko tiun demandon Z ; estas pli prudente akcepti ~e la lingvon en ĝia nuna formo Z*. 3 Kontraste kun tio ; kontraŭe ; malgraŭe ; tamen : *principoj k postuloj puŝis k malhelpis unu la alian, ~e en la teorio ili ŝajnis al mi tute bonaj Z ; ~e lingvo arta, anstataŭ tiu haosa, donas al vi sole nur ses vortetojn Z*. RIM. Estas mal-korekta k nepre evitinda la uzado de la adv. **dume** en la senco de la konj. **dum**.

dumpingo ډمپنگ. Vendo de iu produkto je pli malalta prezo eksterlanden ol enlande : *en la nuna epoko, ~o estas tre disvastigita en multaj landoj*.

duno. Apudmara sabla monteto.

* **Dungi** (tr). Interkonsenti kun laboristo, servisto aŭ oficisto por havigi al si lian servadon laŭ difinita salajro : ~i vartistinon ; *asekuri siajn ~itojn kontraŭ akcidentoj ; mi mal~is lin pro malhonesteco*. Sin ~igi. Interkonsenti kun ~anto.